

摛藻堂四庫全書薈要

集部

欽定四庫全書
唐詩一萬八千一百六十二集部

御定全唐詩卷七百五十七

徐鍇

徐鍇字楚金廣陵人鉉之弟南唐時為屯田郎中知制誥集賢殿學士集十五卷今存詩五首

送程德琳郎中學士

得遠山

爪步妖氛滅崑岡草樹青終朝空望極今日送君行報政秋雲靜微吟曉月生樓中長可見特用滅離情

太傅相公以東觀庭梅西垣舊植昔陪盛賞今
獨家兄唱和之餘俾令攀和輒依本韻伏愧斐
然

靜對含章樹

漢有含章
舊下樹

閒思共此時香隨荀令在根異

武昌移物性雖搖落人心豈變衰唱酬勝笛曲來往韻

朱絃

太傅相公與家兄梅花酬唱許綴末篇再賜新
詩俯光拙句謹奉清韻用感鈞私伏惟采覽

重歎梅花落非關塞笛悲論文叨接萼末曲愧吹簫

毛詩

云仲氏
吹簫枝逐清風動香因白雪知陶釣數左悌更賦邵

公詩

同家兄哭喬侍御

諸公長者鄭當時事事無心性坦夷但是登臨皆有作
未嘗相見不伸眉生前適意無過酒身後遺言只要詩
三日笑談成理命一篇投弔尚應知

秋詞

井梧紛墮砌寒雁遠橫空雨久暮苦些紫霜濃薜荔紅

包穎

包穎南唐時人詩一首

和徐昌臣見寄

平生中表最情親浮世那堪聚散頻謝朓却吟歸省閣
劉楨猶自卧漳濱舊游半似前生事要路多逢後進人
且喜新吟報疆健明年相望杏園春

鍾謨

鍾謨字仲益其先會稽人徙閩之崇安已而僑居金陵
李璟時為翰林學士進禮部侍郎判尚書省詩三首

貽耀州將

翩翩歸盡塞垣鴻隱隱驚開蟄戶蟲渭北離愁春色裏
江南家事戰塵中還同逐客紉蘭佩誰聽縲囚奏土風
多謝賢侯振吾道免令搔首泣途窮

獻周世宗

三年耀武羣雄服一日回鑾萬國春南北通歡永無事

謝恩歸去老陪臣

代京妓越賓答徐鉉

一幅輕綃寄海濱
越姑長感昔時恩
欲知別後情多少
點點憑君看淚痕

查文徽

查文徽字光慎歙州休寧人李璟時元宗以取閩功拜
撫州觀察使建州留後詩一首

寄麻姑仙壇道士

別後相思鶴信稀
郡樓南望遠峰迷
人歸洞府雲連地
花落春林水滿溪
白髮只應悲鏡鑄
丹砂猶待寄刀圭
方平車駕今何在
常苦塵中日易西

馬或一作郁

馬或少負才藝
李匡威領鎮盧龍
署幕職匡威滅復事
劉仁恭詩一首

贈韓定辭

燧林芳草綿綿思盡日
相攜陟麗譙
別後瞻慈山上望

羨君時復見王喬

韓定辭

韓定辭深州人為鎮州觀察判官檢校尚書祠部郎中
兼侍御史詩一首

答馬或

崇霞臺上神仙客學辨癡龍藝最多盛德好將銀管述
麗詞堪與雪兒歌

何昌齡

何昌齡南唐時廬陵宰詩一首

題楊克儉池館

經旬因雨不重來
門有蛛絲徑有苔
再向白蓮亭上望
不知花木為誰開

李羽

李羽廬州人登南唐進士第詩一首

獻江淮郡守盧公

塞詔東來淝水濱
時情惟望秉陶鈞
將軍一陣為功業

忍見沙場百戰人

梁藻

梁藻字仲華長汀人南唐總殿前步軍暉之子性樂蕭
散應襲父任不就處士集若干卷今存詩一首

南山池

翡翠戲翻荷葉雨鶯鸞飛破竹林煙時沽春酒臨軒酌
擬摘新茶靠石煎

陳沆

陳沆南唐時廬阜處士詩一首

嘲廬山道士

南唐近事云廬山九天使者廟有一道士體貌魁偉飲啖酒肉晚節

服餌丹砂躁于冲舉有鶴因風所飄憩於廟庭

道士驚喜謂當赴昇騰之名令山童控而乘之

羽儀清弱不勝其載毛傷骨折而斃

翌

日馴養者知訴于公府沆以詩嘲之

咱肉先生欲上昇黃雲踏破紫雲崩龍腰鶴背無多力
傳與麻姑借大鵬

句

罷却兒女戲放他花木生

寒食

掃地雲粘簾耕山鳥怕

牛居閒點入早雲千國仰力浮塵世一毫輕水題

李詢

李詢南唐時人詩一首

贈織錦人

札札機聲曉復晡
眼穿力盡竟何如
美人一曲成千賜
心裏猶嫌花樣疎

韓垂

韓垂南唐時人詩一首

題金山

靈山一峰秀岌然殊衆山盤根大江底挿影浮雲間雷
霆常間作風雨時往還象外懸清影千載長躋攀

朱存

朱存金陵人詩一首

後湖

雷轟疊鼓火翻旗三異翩翩試水師驚起黑龍眠不得
狂風猛雨不多時

陳彥

陳彥司門郎中詩一首

和徐舍人九月十一日見寄

衡門寂寂逢迎少
不見仙郎向五旬
莫問龍山前日事
菊花開却為閒人

許堅

許堅有異術嘗往來廬阜茅山間李璟時以異人名不
至後不知所終詩五首

登游齊山

星使南馳入楚重此山偏得駐行蹤落花滿地月華冷
寂寞舊山三四峯

遊漂陽下山寺

一作靈泉
精舍限韻

地枕吳溪與越峰前朝恩錫靈泉額竹林晴見

一作
層建雁

塔高石室曾

一作幽

棲幾禪伯荒碑字

一作蕪

沒秋苔深古

池香泛荷花白客有經年說別林落日啼猿情脈脈

題幽棲觀

仙翁上昇去丹井寄晴壑山色接天台湖光照寥廓玉
洞絕無人老檜猶棲鶴我欲掣青蛇他年冲碧落

上舍人徐鉉

幾宵煙月鎖樓臺欲寄侯門薦上才滿地塵埃人未識
謾隨流水出山來

題茅山觀

常恨清風半載鬱洞天今得恣遊遨松林古色玉壇靜
鸞鶴不來青漢高茅氏井寒丹已化玄宗碑斷夢仍勞

分明有個長生路休向紅塵歎二毛

王感化

王感化建州人後入金陵教坊少聰敏未嘗執卷而多識
善為詞滑稽無窮玄宗嗣位宴樂擊鞠不輟嘗乘醉命
感化奏水調詞感化唯歌南朝天子愛風流一句如是
者數四玄宗悟覆杯歎曰使孫陳二主得此一句不當
有銜璧之辱也由是有寵詩二首

建州節帥更代筵上獻詩

旌旗赴天臺溪山曉色開萬家悲更苦迎佛送如來

奉玄宗命咏苑中白野鵲

碧岩深洞恣遊邊天與蘆花作羽毛要識此中棲宿處
上林瓊樹一枝高

句

草中誤殺將軍虎山上曾為道士羊

題怪石八句皆用故事今但存其一

聯

李家明

李家明廬州西昌人玄宗時為樂部頭談諧敏給善為

諷辭詩四首

玄宗釣魚無獲進詩

玉梵垂鉤興正濃碧池春暖水溶溶凡鱗不敢吞香餌
知是君王合釣龍

咏卧牛

玄宗游後苑登臺見牛晚臥美蔭家
明日臣不學敢上絕句輔相音慙

曾遭甯戚鞭敲角又被田單火燎身閒向斜陽嚼枯草
近來問喘為無人

題紙鳶止宋齊丘哭子

烈祖受楊氏禪遷讓皇子海陵玄宗繼統用齊

丘之謀無少長殺之齊丘無子晚得一子隨卒

勸不止家明曰惟臣能止之乃為詩書紙鳶止上

乘風吹之度至齊丘家遂絕其縷齊丘

見之慚感乃止一作布衣李匡堯作

安排唐祚革強吳盡是先生作計謨一個孩兒揀不得

讓皇百口合何如

一作化家為國實良圖總是先生畫計暮今日喪雖猶自哭讓皇官眷合

如何

咏皖公山

龍舟輕颺錦帆風正值宸游望遠空回首皖公山色翠

影斜不到壽杯中

湯悅

湯悅陳州西華人本姓殷文珪之子仕南唐官學士歷樞密使右僕射玄宗時淮上用兵書檄教誥皆出其手

詩五首

奉和聖制送鄧王牧宣城

千里陽陵同峽服鑿門胙土寄親賢曙煙已別黃金殿
晚照重登白玉筵江上浮光宜雨後郡中遠岫列窗前

天心待報期年政畧與工師播管絃

早春寄華下同志

正是花時節思君寢復興市沽終不醉春夢亦無憑
糲面懸清雨河心走濁冰東門一條路離恨正相仍

鼎臣學士侍郎以東館庭梅昔翰苑之毫末今
復半枯向時同僚零落都盡素髮垂領茲唯二
人感舊傷懷發於吟詠惠然好我不能無言輒

次來韻攀和

憶見萌芽日還憐合抱時舊歡如夢想物態暗還移素
艷今無幾朱顏亦自衰樹將人共老何暇更悲絲

再次前韻代梅答

託植經多稔頃竚向盛時枝條雖已故情分不曾移莫
向培前老還同鏡裏衰更應憐墮葉殘吹挂蟲絲

鼎臣學士侍郎楚金舍人進士以再傷庭梅詩
同垂寵和清絕感歎情致俱深因成四十字陳

謝

人物同遷謝重成念舊悲連華得瓊玖合奏發墳荒餘
杼雖無取殘芳尚獲知問君何所似珍重杜秋詩

蕭或

蕭或字文或官少卿詩二首

送鍾員外

賦

麗漢金波滿當筵玉筯傾因思頻聚散樂復換虧盈光
徹離襟冷聲符別管清那堪還目此兩地倚樓情

送德林郎中學士赴東府

得

離情折楊柳此別異春哉含露東籬艷汎香南浦杯惜持行次贈留挿醉中迴暮齒如能制玉山甘判頽

孫峴

孫峴字文山南康人官郎中詩一首

送鍾員外

賦

萬物中蕭灑脩篁獨逸羣貞姿曾冒雪高節欲凌雲細韻風初發濃煙日正曛因題偏惜別不可暫無君

謝仲宣

謝仲宣嘗為齊王景達宮寮詩一首

送鍾員外

賦

送人多折柳唯我獨吟松若保歲寒在何妨霜雪重森
梢逢靜境廓落見孤峰還似君高節亭亭渺繼蹤

鍾清

鍾清字德林東都尹勤政殿學士國亡死節詩一首

別諸同志

得新

隨陽來萬里點點度遙空影落長江水聲悲半夜風殘

秋辭絕漠無定似驚蓬我有離羣恨飄飄類此鴻

喬舜

喬舜字亞元高郵人初為祕書省正字保大中歷中書舍人終刑部侍郎詩一首

送德林郎中學士赴東府

江得

摻袂向江頭朝宗勢未休何人乘桂楫之子過揚州
颯飄沙雁漂漂逐浪鷗欲知離別恨半是淚和流

王沂

王沂南唐時人詩一首

送鍾員外

賦風

靜追蘋末興况復值蕭條猛勢資新雁寒聲伴暮潮過
山雲散亂經樹葉飄颻今日煙江上征帆望望遙

陳元裕

陳元裕南唐時人詩一首

送德林郎中學士赴東府

得水

上善湛然秋恩波洽帝猷謾言生險浪豈真見安流汎

去星槎遠澄來月練浮滔滔對離酌入洛稱仙舟

御定全唐詩卷七百五十七

欽定四庫全書
唐詩卷一萬八千一百六十三

集部

御定全唐詩卷七百五十八

孟貫

孟貫字一之建安人初客江南後仕周詩一卷

宿山寺

溪山盡日行方聽遠鐘聲入院逢僧定登樓見月生露垂羣木潤泉落一石清此景關吾事通宵寐不成

贈棲隱洞譚先生

先生雙鬢貞華深谷卧雲霞不伐有巢樹多移無主花石
泉春釀酒松火夜煎茶因問山中事如君有幾家

歸雁

春至衡陽雁思歸塞路長汀洲齊奮翼霄漢共成行雪
盡翻風暖寒收度月涼直應到秋日依舊返瀟湘

春江送人

春江多去情相去枕長汀數雁別溢浦片帆離洞庭雨
餘沙草綠雲散岝崿青誰共觀明月漁歌夜好聽

過秦嶺

古今傳此嶺高下勢崢嶸安得青山路化為平地行蒼
苔留虎跡碧樹障溪聲欲過一回首踟蹰無限情

送吳夢閭歸閩

甌閩在天末此去整行衣久客逢春盡思家冒暑歸海
雲添晚景山瘴滅一作減晴暉相憶吟偏苦不堪書信稀

山中夏日

深山宜避暑門戶映嵐光夏木蔭溪路晝雲埋石牀心

源澄道靜衣葛蘸泉涼算得紅塵裏誰知此興長

宿故人江居

渡口樹冥冥南山漸隱青漁舟歸舊浦鷗鳥宿前汀靜
榻懸燈坐閒門對浪局相思頻到此幾番醉還醒

寄伍喬

蹉跎春又晚天末信來遲長憶分攜日正當搖落時獨
遊饒旅恨多事失歸期君看前溪樹山禽巢幾枝

山中訪人不遇

負琴兼杖藜特地過岩西已見竹軒閒又聞山鳥啼長
松寒倚谷細草暗連溪久立無人事煙霞歸路迷

贈隱者

世路爭名利深山獨結茅安情自得所非道豈相交百
尺松當戶千年鶴在巢知君於此景未欲等閒拋

守道上人

聞罷城中講來安頂上禪夜燈明石室清磬出巖泉欲
訪慙多事相思恨隔年終期息塵慮接話虎溪邊

江邊閒步

閒來南渡口迤邐看江楓一路波濤畔數家蘆葦中遠
汀排晚樹深浦漾寒鴻吟罷慵回首此情誰與同

過王林一作逸人園林

谷口何時住煙霞一徑深水聲離遠洞山色出疎林雪
彩從沾鬢年光不計心自言人少到猶喜我來尋

寄李處士

僧誥磻溪叟平生重赤松夜堂悲蟋蟀秋水老芙蓉吟

坐倦垂釣閒行多倚筇聞名來已久未得一相逢

夏日寄史處士

掩關苔滿地終日坐騰騰暑氣冷衣葛暮雲催燭燈寂寥
知得趣疎嬾似無能還憶舊遊否何年別杜陵

夏日登瀑頂寺因寄諸知己

曾於塵裏望此景在煙霄巖靜水聲近山深暑氣遙杖藜青石路煮茗白雲樵寄語為郎者誰能訪寂寥

懷果上人

擁錫南遊去名香幾處焚別來無遠信多恐在深雲好
月曾同步幽香省共聞相思不相見林下葉紛紛

寄故園兄弟

久與鄉關阻風塵損舊衣水思和月泛山憶共僧歸林
想添鄰舍溪應改釣磯弟兄無苦事不用別庭闈

早秋吟眺

新秋初一作新雨後獨立對遙山去鳥望中沒好雲吟裏
還長年慙道薄明代取身間從有西征思園林懶閑闌

送江為歸嶺南

舊山臨海色歸路到天涯此別各多事重逢是幾時江
行晴望遠嶺宿夜吟遲珍重南方客清風失所思

山中答友人

偶愛春山住因循值暑時風塵非所願泉石本相宜坐
久松陰轉吟餘蟬韻移自慙踈野甚多失故人期

山齋早秋雨中

深居少往還卷箔早秋間雨灑吟蟬樹雲藏嘯狹山炎

蒸如便退衣葛亦堪閒靜坐得無事酒卮聊暢顏

送人遊南越

子然南越去替爾畏前程見說路岐嶮不通車馬行瘴
煙迷海色嶺樹帶猿聲獨向山家宿多應鄉思生

酬東溪史處士

咫尺東溪路年來偶訪遲泉聲迷夜雨花片落空枝石
徑逢僧出山牀見鶴移貧齋有琴酒曾許月圓期

秋江送客

秋風楚江上送子話遊遨遠水宿何處孤舟春夜濤浦
雲沈雁影山月照猿嘯莫為饑寒苦便成名利勞

寄山中高逸人

煙霞多放曠吟嘯是尋常猿共摘山果僧鄰住石房躡
雲雙屐冷採藥一滿_{一作}身香我憶相逢夜松潭月色涼

懷友人

浮世況多事飄流每歎君路岐何處去消息幾時聞吟
裏落秋葉望中生暮雲孤懷誰慰我夕鳥自成羣

送人歸別業

別業五湖上春殘去路賒還尋舊山水重到故人家門
徑掩芳草園林落異花君知釣磯在猶喜有生涯

冬日登江樓

高樓臨古岸野步一作老晚來登江水因寒落山雲為雪
凝遠村雖入望危檻不堪憑親老未歸去鄉愁徒自興

寄張山人

草堂南澗邊有客嘯雲煙掃葉林風後拾薪山雨前野

橋通竹徑流水入芝田
琴月相親夜更深
戀不眠

御定全唐詩卷七百五十八

欽定四庫全書薈要卷一萬八千一百六十四

集部

御定全唐詩卷七百五十九

成彥雄

成彥雄字文幹南唐進士梅嶺集五卷今編詩一卷

杜鵑花

杜鵑花與鳥怨艷兩何賒疑是口中血滴成枝上花一
聲寒食夜數桑野僧家謝豹出不出日遲遲又斜

江上楓

江楓自翦鬱不競松筠力一葉落漁家殘陽帶秋色

夜夜曲

自從君去夜錦幌孤蘭麝欹枕對銀缸秦箏綠窗下

村行

暖暖村煙暮牧童出深塢騎牛不顧人吹笛尋山去

煎茶

岳寺春深睡起時虎跑泉畔思遲遲蜀茶倩箇雲僧碾

自拾枯松三四枝

松

大夫名價古今聞盤屈孤貞更出羣將謂嶺頭閒得了
夕陽猶挂數枝雲

新燕

纏離海一作江島宿江濱應夢笙歌作近鄰減省雕梁並
頭語畫堂中有未歸人

會友不至

王孫還是負佳期玉馬追遊日漸西獨上郊原人不見

鷓鴣飛過落花溪

惜花

忘餐為戀滿枝紅
錦障嬾移護晚風
客散酒酣歸未得
欄邊獨立月明中

中秋月

王母粧成鏡未收
倚欄人在水精樓
笙歌莫占清光盡
留與漁翁一釣舟

暮春日宴溪亭

寒食尋芳遊不足溪亭還醉綠楊煙誰家花落臨流樹

數片殘紅到檻前

曉

列宿回元朝北極乘神晞露滴樓臺佳人卷箔臨階砌
笑指庭花昨夜開

夕

臺榭沈沈禁漏初麝煙紅蠟透蝦鬚雕籠鸚鵡將棲宿
不許鷓鴣轉轆轤

露

銀河昨夜降醍醐灑遍坤維萬象蘇疑是皎人曾泣處
滿池荷葉捧真珠

遊紫陽宮

古殿煙霞簇畫屏直疑踪跡到蓬瀛碧桃滿地眠花鹿
深院松窗擣藥聲

除夜

銅龍看却送春來莫惜顛狂酒百杯吟鬢就中專擬白

那堪更被二更催

元日

戴星先捧祝堯觴
鏡裏堪驚兩鬢霜
好是燈前偷失笑
屠蘇應不得先嘗

寒夜吟

洞房脈脈寒宵永
燭影香消金鳳冷
獨兒睡覺喚不醒
滿窗撲落銀蟾影

柳枝辭九首

輕籠小徑近誰家玉馬追風翠影斜愛把長條惱公子
惹他頭上海棠花

鵝黃剪出小花鉢綴上芳枝色轉鮮飲散無人收拾得
月明階下伴鞦韆

東君愛惜與先春草澤無人處也新委囑露華并細雨
莫教遲日惹風塵

勾踐初迎西子年琉璃為帚掃溪煙至今不改當時色

留與王孫繫酒船

綠楊移向小亭栽便擁濃煙撥不開誰把金刀為刪掠
放教明月入窗來

遠接關河高接雲雨餘洗出半天津牡丹不用相輕薄
自有清陰覆得人

掩映鶯花媚有餘風流才調比應無朝朝奉御臨池上
不羨青松拜大夫

王孫宴罷曲江池折取春光伴醉歸怪得美人爭鬪乞
要他穠翠染羅衣

殘照林梢弱數枝能招醉客上金堤馬驕如練纓如火
瑟瑟陰中步步嘶

句

莎草放茵深護砌海榴噴火巧橫牆 紹鱗引子跳銀
海紫燕呼雛語畫梁

見吟窗
雜錄

御定全唐詩卷七百五十九


謹案卷七百五十七第二頁後一行兩久莓苔紫

刊本莓訛梅據別本改

第十頁前四行凡鱗不敢吞香餌刊本餌訛耳據

別本改





總校官庶吉士臣張能照
校對官庶吉士臣翟槐
謄錄監生臣李惠滋

欽定四庫全書叢要

集部

御定全唐詩卷七百六十三

六十至
六十三

詳校官原任事臣李斯咏

欽定四庫全書會要卷一萬八千一百六十五

集部

御定全唐詩卷七百六十

周庠

周庠唐龍州司倉後事王建累官御史中丞中書侍郎
同平章事王衍嗣位進司徒詩一首

寄禪月大師

昨日塵遊到幾家就中偏省近宣麻水田鋪座時移畫
金地譚空說盡沙傍竹欲添犀浦石栽松更碾味江茶

有時捻得休公卷倚柱間吟見落霞

張格

張格字義師河間人仕蜀為翰林學士拜中書侍郎同平章事累加右僕射太傅詩一首

寄禪月大師

龍華咫尺斷來音日夕空馳詠德心禪月字清師號別
壽春詩古帝恩深畫成羅漢驚三界書似張顛直萬金
莫倚名高忘故舊曉晴閒步一相尋

王鍇

王鍇字鱣祥仕蜀為翰林學士遷御史中丞歷中書侍郎同平章事詩一首

贈禪月大師

長愛吾師性自然天心白月水中蓮神通力遍恒沙外
詩句名高八米前尋訪不聞朝振錫脩行唯說夜安禪
太平時節俱無事莫惜時來話草玄

牛希濟

牛希濟隴西人仕蜀為起居郎累官翰林學士御史中丞後入唐為雍州節度副使詩一首

奉詔賦蜀主降唐

滿城文武欲朝天不覺鄰師犯塞煙唐主再懸新日月
蜀王難保舊山川非干將相扶持拙自是君臣數盡年
古往今來亦如此幾曾歡笑樂潛然

馮涓

馮涓字信之東陽人或曰信都人舉進士登大中四年

宏詞科為京兆府參軍尋隱商山昭宗起為祠部郎中
擢著作州刺史田陳拒命不令之任渭於成都墨池灌園
自給王建據蜀以為翰林學士終御史大夫集十三卷
今存詩二首

蜀馳引

昂藏大步躡蠶叢國曲頸微伸高九尺卓文窺窗莫我知
嚴仙據案何曾識

自古皆傳蜀道難爾何能過拔蛇山忽驚登得雞翁磧

又恐礙著鹿頭關

句

不隨俗物皆成土 只待良時却補天

題支機石
見紀事

釜魚

化作池中物木履浮為天際船

李浩弼

李浩弼蜀翰林學士詩一首

從幸秦川賦鷺獸詩

巖下年年自寢訛生靈餐盡意如何爪牙衆後民隨滅

溪壑深來骨已多天子紀綱猶被弄客人窮獨固難過
長途莫怪無人跡盡被山王稜殺他

楊玢

楊玢字靖夫虞卿之曾孫也蜀王建時累官禮部尚書
衍嗣位謫榮經尉乾德中復為太常少卿後歸唐授工
部尚書詩三首

批子弟理舊居狀

談苑云玢自蜀歸唐長安舊居都為鄰里侵占子弟欲詣

府訴其事以狀白玢批紙尾云云子弟不敢復言

四鄰侵我我從伊畢竟須思未有時試上含元殿基望
秋風秋草正離離

登慈恩寺塔

紫雲樓下曲江平鴉噪殘陽麥龍青莫上慈恩最高處
不堪看又不堪聽

遣歌妓

垂老無端用意乖誰知道但厭清齋如今又采蘋蕪去

辜負張君繡鞚鞋

韓昭

韓昭字德華長安人為蜀後主王衍狎客累官禮部尚書文思殿大學士唐兵入蜀王宗弼殺之詩二首

和題劍門

閉關防老寇孰敢振威稜
險固疑天設山河自古憑三
川奚所賴雙劍最堪矜
烏道通微處煙霞鎖百層

從幸秦川過白衛獻詩

吾王巡狩為安邊此去秦亭尚數千夜照路岐山店火

曉通消息戍瓶煙為雲巫峽雖神女跨鳳秦樓是謫仙
八駿似龍人似虎何愁飛過大漫天

楊鼎夫

楊鼎夫成都人舉進士為蜀安思謙幕吏判權鹽院事
詩一首

記皂江墮水事

鼎夫遊青城山過皂江至中流遇暴風船抵巨石覆洪濤間同

濟盡沒獨鼎夫似有物扶助達岸有老人以杖接引鼎夫未及致謝旋失所之因作詩以記

青城山峭皂江寒欲度當時作等閒
權逆狂風趨近岸

舟逢怪石碎前灣手攜弱杖倉皇處命出洪濤頃刻間
今日深恩無以報令人羞記雀銜環

蔣貽恭

蔣貽恭江淮人唐末入蜀孟氏時官大井縣令詩二首
題張道隱太山祠畫龍

世人空解競丹青惟子通玄得墨靈應有鬼神看下筆
豈無風雨助成形威疑噴浪歸滄海勢欲擎雲上杳冥
靜閉綠堂深夜後曉來簾幕似聞腥

詠蠶

辛勤得繭不盈筐
燈下繅絲恨更長
著處不知來處苦
但貪衣上繡鴛鴦

李珣

李珣字德潤梓州人有瓊瑤集今存詩三首

漁父歌三首

水接衡門十里餘
信船歸去卧看書
輕爵祿慕玄虛
莫道漁人只為魚

避世垂綸不記年。官高爭得似君閒。傾白酒對青山笑。

指柴門待月還

棹警鷗飛水濺。袍影侵潭面柳垂條。終日醉絕塵勞曾見錢塘八月濤。

顧夏

顧夏蜀王建時給事內庭擢茂州刺史後復事孟知祥官至太尉詩一首

感禿鶩潛吟

昔日曾看瑞應圖
萬般祥瑞不如無
摩訶池上分明見
仔細看來是那鴟

張令問

張令問唐興人隱居不仕號天國山人詩一首

與杜光庭

試問朝中為宰相何如林下作神仙一壺美酒一爐藥
飽聽松風白晝眠

御定全唐詩卷七百六十

欽定四庫全書
欽定全唐詩卷一萬八千一百六十六

集部

御定全唐詩卷七百六十一

徐光溥

一作浦

徐光溥蜀人事孟知祥為觀察判官知祥稱尊號進翰林學士後主景時拜中書侍郎同平章事詩二首

題黃居寀秋山圖

第十七句
缺一字

天與黃筌藝竒絕筆精迴感重瞳悅運思潛通造化工揮毫定得神仙訣秋來奉詔寫秋山寫在輕綃數幅間

高低向背無遺勢重巒疊嶂何辱顏目想心存妙尤極
研巧覈能狀不得珍禽異獸皆自馴奇花怪木非因植
崎嶇石磴絕遊蹤薄霧冥冥藏半峰娑蘿掩映迷仙洞
薜荔纍垂繖古松月檻參橋 僧老坐揩笏屈原江上
嬋娟竹陶潛籬下芳菲菊良宵祇恐鷓鴣啼晴波但見
鴛鴦浴暮煙翠幕鎖村塢一葉扁舟橫野渡颯颯白蘋
欲起風黯黯紅蕉猶帶雨曲沼芙蓉香馥郁長汀蘆荻
花穀穀雁過孤峰帖遠青鹿傍小溪飲殘綠秋山秀兮

秋江靜江光山色相輝映雪迸飛泉濺釣磯雲分落葉
擁樵徑張璪松石徒稱奇邊鸞花鳥何足窺白叟鷹逞
凌風勢薛稷鶴誇譽露姿方原畫山空巉巖峭壁枯槎
人見嫌孫位畫水多洶湧驚湍怒濤人見恐若教對此
定妍媸必定伏膺懷愧悚再三展向冕旒側便是移山
回礪力大李小李滅聲華獻之愷之無顏色鬢茀垂綸
渭水濱吾皇覩之思良臣依稀荷挿傳巖野吾皇覩之
求賢者從茲仄展復懸旌宵衣旰食安天下才當老人

星應候願與南山俱獻壽微臣稽首貢長歌丹青景化
同天和

同劉侍郎詠筭

迸出班犀數十株更添幽景向蓬壺出來似有凌雲勢
用作丹梯得也無

歐陽炯

一作迴

歐陽炯益州華陽人少事王衍為中書舍人孟昶時拜
翰林學士歷門下侍郎平章事後從昶歸宋詩六首

貫休應夢羅漢畫歌

一作禪月
大師歌

西嶽高僧名貫休孤情峭拔凌清秋天教水墨畫羅漢
魁岸古容生筆頭時捎大絹泥高壁閉目焚香坐禪室
忽然夢裏見真儀脫下一作去袈裟點神筆高握一作鑿一作節
腕當空擲憲窣毫端任狂逸逡巡便是兩三軀不似畫
工虛費日怪石安拂嵌復枯真僧列坐連跏趺形如瘦
鶴精神健頂似伏犀頭骨龐倚松根傍巖縫曲錄腰身
長欲動看經弟子擬聞聲瞞睡山童疑有夢不知夏臘

幾多年一手捲頤偏袒肩口開或若共人語身定復疑
初坐禪案前臥象低垂鼻崖畔戲猿斜展臂芭蕉花裏
刷輕紅苔鮮文中暈深翠硬筇杖矮松牀雪色眉毛一
寸長繩開梵夾兩三片線補衲衣千萬行林間亂葉紛
紛墮一印殘香斷煙火皮穿木屐不曾拖笋織蒲團鎮
長坐休公休公逸藝無人加一作偕聲譽喧遍天涯五七
字句一千首大小篆書三十家唐朝歷歷多名士蕭子
雲兼吳道子若將書畫比休公只恐當時浪生死休公

休公始自江南來入秦於今到蜀無交親詩名畫手皆
奇絕觀你凡人爭是人一作事
事精瓦棺寺裏維摩詰舍衛
城中辟支佛若將此畫比量看總在人間為第一

題景煥畫應天寺壁天王歌

錦城東北黃金地故跡何人興此寺白首長老重名公
曾識會稽山處士寺門左壁圖天王威儀部從來何方
鬼神怪異滿壁走當筵颯颯生秋光我聞天王分理四
天下水晶宮殿琉璃瓦綠仗時驅狒狫裝金鞍頰策騏

鱗馬毗沙大像何光輝手擎巨塔凌雲飛地神對出寶
瓶子天女倒披金縷衣唐朝說著名公畫周昉毫端善
圖寫張僧繇是有神人吳道子稱無敵者奇哉妙手傳
孫公能如此地留神蹤斜窺小鬼怒雙目直倚越狼高
半冑寶冠動總生成容趨蹠左右來傾恭膺橫鷹爪尖
纖利腰纏虎皮斑剝紅飄飄但恐入雲中步驟還疑歸
海東蟒蛇拖得渾身墮精魅搦來雙眼空當時此藝實
難有鎮在寶坊稱不朽東邊畫了空西邊留與後人教

敵手後人見者皆心驚盡為名公不敢爭誰知未滿三十載或有異人來間生匡山處士名稱樸頭骨高奇連五嶽曾持象簡累為官又有蛇珠常在握昔年長老遇奇蹤今日門師識景公興來便請泥高壁亂捨筆頭如疾風逡巡隊仗何顛逸散漫奇形皆湧出交加器械滿虛空兩面必然如鬪敵聖王怒色覽東西劍刃一揮皆整齊腕頭獅子咬金甲腳底夜叉擊絡鞬馬頭壯健多筋節烏觜彎環如屈鐵遍身蛇虺亂縱橫遶領觸體乾

子裂着麤眼豎髮如錐怪異令人不可知科頭巨卒欲
生鬼半面女郎安小兒況聞此寺初興置地脈沈沈當
正氣如何請得二山人下筆咸成千古事君不見明皇
天寶年畫龍致雨非偶然包含萬象藏心裏變現百般
生眼前後來畫品列名賢唯此二人堪比肩人間事物
皆求得此樣欲于何處傳嘗憂壁底生雲霧提起寺門

天上去

漁父歌二首

擺脫塵機上釣船免教榮辱有流年無繫絆沒愁煎須
信船中有散仙

風浩寒溪照膽明小君山上玉蟾生荷露墜翠煙輕撥
刺遊魚幾處一作個驚

大遊仙詩

一作歐
陽炳

赤城霞起武陵春桐柏先生解守真白石橋高曾縱步
朱陽館靜每存神囊中隱訣多仙術肘後方書濟俗人
自領蓬萊都水監只憂滄海變成塵

楊柳枝

軟碧搖煙似送人
映花時把翠蛾嚦
青青自是風流主
慢颯金絲待洛神

句

古人重到今人愛
萬局都無一局同

賦棋見韻語陽秋

劉義度

劉義度後蜀工部侍郎詩一首

感懷詩

昨日方髽髻如今滿領鬚紫閣無心戀青山有意潛

劉羲叟

劉羲叟後蜀翰林學士詩一首

同徐學士詠筭

徐徐出土非人種枝葉難投日月壺為是因緣生此地
從他長養譬如無

詹敦仁

詹敦仁字君澤固始人初隱仙遊後為清溪令詩六首

復留侯從効問南漢劉巖改名襲字音義

伏羲初畫卦蒼氏乃製字點畫有偏旁陰陽貴協比古者不嫌名周公始稱諱始諱猶未酷後習轉多忌或援他代易或變文迴避謚號久滋蔓傷心日益熾孫休命子名吳國尊王意寧尚竈卑辟鉅溫寂穆異梁復踵已非時亦迹舊事貌杰自其一蜀閭是其二鄙哉化眉名陋矣越鄭義大唐有天下武后擁神器私制迄無取古音實相類乖廩曰星廩惠厔而堦金固及墨廩作史

難詳備唐祚值傾危劉蕡懷僭偽吁嗟毒蛟輩睥睨飛
龍位襲巖雖同音形體殊乖致廢學愧未弘來問辱不
棄奇字難雄博摛文伏韓智因誦鄙所聞敢布諸下吏

柳堤詩

并序 内缺一字

夫柳之性斷根挿地遂有生意越一二年而籠晴
蔽陰矣予不知天地生物之心且得以為負未息
耕之便焉况是木刪之則枝葉倍長剪之則芽蘖
滋多又得以供火爨之用焉時方春也綠染方勻

柔絲裊風攬詩腸之百結宜吾一詠而一觴也春
云暮矣雪絮飛毬悠揚遠近歎人生之聚散宜閒
居而自適也於是秉耒就耕書橫牛角鋤且帶經
或偃息乎繁陰之下開卷自得悠然而樂雖盛夏
溽暑白扇可置風是快則是柳之繁茂不謂無
庇物之効也俄而涼颸颯至一葉驚秋露滴踈枝
月篩淡影放出千巖霽色靜籠數頃黃雲覺歲月
以驚心歎年華之暗度雨雪飄飄未春而絮青山

改色覺老其容既當收歛暇餘迺且呼童削其繁
冗伐其朽蠹夫挿柳之効予旣兩資其利泚筆綴
字以示後人使知予挿柳之意不為徒耳仍記之
以詩曰

種稻三十頃種柳百餘株稻可供飭粥柳可爨庖厨息
未柳陰下讀書稻田隅以樂堯舜道同是耕莘夫

勸王氏入貢寵予以官作辭命篇

爭霸圖王事總非中原失統可傷悲往來賓主如郵傳

勝負干戈似局棋周粟總禁寧忍食葛廬顏顧漫勞思
江山有待早歸去好向鶴林擇一枝

余遷泉山城留侯招遊郡圃作此

當年巧匠製茅亭臺館翬飛匝郡城萬竈犧貅戈甲散
千家羅綺管弦鳴柳腰舞罷香風度花臉粧匀酒暈生
試問亭前花與柳幾番衰謝幾番榮

留侯受南唐節度使知郡事辟予為屬以詩謝

之

晉江江畔趁春風耕破雲山幾萬重雨足一犁無外事
使君何啻五侯封

遣子訪劉乞

掃石耕山舊子真布衣草履自隨身石崖壁立題詩處
知是當年鳳閣人

詹琲

詹琲敦仁子勸陳洪進納土歸隱鳳山詩三首

永嘉亂衣冠南渡流落南泉作憶昔吟

憶昔永嘉際中原板蕩年衣冠墜塗炭輶輶染腥膻國勢多危厄宗人苦播遷南來頻灑淚渴驥每思泉

癸卯閩亂從弟監察御史敬凝迎仕別作

一別幾經春棲遲晉水濱鵠鵠常在念鴻雁忽來賓五斗嫌腰折明山刺眼新善辭如復我四海五湖身

追和秦隱君辭薦之韻上陳侯乞歸鳳山

第八句缺

一
字

誰言悅口是甘肥獨酌鵝兒噉翠微蠅利薄於青紙扇

羊裘煖甚紫羅衣
心隨倦鳥甘棲宿
目送征鴻遠奮飛

擊壤太平朝野客
鳳山深處

生輝

辛夷遜

辛夷遜夔州雲安監人

一云成都人

仕後蜀為翰林學士工

部侍郎隨宋入宋詩一首

雲

因登巨石知來處
勃勃元生綠
蘚痕靜即等閒
藏草木動時頃
刻遍乾坤橫天未必明
元惡捧日還曾瑞
至尊

不獨朝朝在巫峽楚王何事謾勞魂

句

苦教作鎮居中國爭得泥金在泰山

岷山見吟窗集錄

纔聞

暖律先開眼既待和風始展眉

柳

蒙君知重惠瓊實

薄起金刀釘玉深

嚼處春冰敲齒冷嚙時雪液沃心

寒

梨以上見事文類聚

深粧玉瓦平無壠亂拂蘆花細有聲

雪

日回禽影穿疎木風遞緩聲入小樓

丁元和

丁元和後蜀時人詩一首

詩

九重天子人中貴五等諸侯閭外尊
爭似布衣雲水客不將名字挂乾坤

張立

一作
玄

張立新津人李昊嘗薦之孟昶不赴自號臯江漁翁詩

二首

咏蜀都城上芙蓉花

四十里城花發時
錦囊高下照坤維
雖粧蜀國三秋色
難入豳風七月詩

又詠

去年今日到成都
城上芙蓉錦繡舒
今日重來舊遊處
此花顚頷不如初

句

朝廷不用憂巴蜀
稱霸何曾是蜀人

初唐明宗徙蜀豪傑入洛賦

欽定四庫全書
欽定全唐詩卷一萬八千一百六十七

集部

御定全唐詩卷七百六十二

劉昭禹

劉昭禹字休明桂陽人

一作婺州人

在湖南累為縣令後署

天策府學士終巖州刺史集一卷今存詩九首

括蒼

一作王几山

盡日行方半諸山直下看白雲隨步起危徑極天盤瀑
項橋形小溪邊店影寒往來空太息玄鬢改非難

憶天台山

常記遊靈境道人情不低巖房容偃息天路許相攜霞
散曙峰外虹生涼瀑西何當塵役了重去聽猿啼

冬日暮國清寺留題

天台山下寺冬暮景如屏樹密風長在年深像有靈高
鐘疑到月遠燒欲連星因共真僧話心中萬慮寧

靈溪觀

鼈海西邊地宵吟景象寬雲開孤月上瀑噴一山寒人

異髮常綠草靈秋不乾無由此棲息魂夢在長安

懷華山隱者

先生入太華杳杳絕良音秋夢有時見孤雲無處尋
神清峰頂立衣冷瀑邊吟應笑千名者六街塵土深

贈惠律大師

秋是憶山日禪窗露灑餘幾懸華頂夢應寄沃州書風
月資吟筆杉篁籠靜居滿城誰不重見著紫衣初

經費冠卿舊隱

節高終不起死戀九華山聖主情何切孤雲性本閒名
傳中國外墳在亂松間依約曾棲處斜陽鳥自還

聞蟬

一雨一番晴山林冷落青莫侵殘日噪正在異鄉聽孤
館宿漳浦扁舟離洞庭年年當此際那免鬢凋零

送休公歸衡

草履初登南嶽船銅瓶猶貯北山泉衡陽舊寺春歸晚
門鎖寒潭幾樹蟬

句

句向夜深得心從天外歸

見紀事

危樓聊側耳高柳又

鳴蟬

秋日登樓見吟窗雜錄

鱗色圍波井花陰上竹樓

以上見海錄碎以

事

對面雷暝樹當街雨趁人

夏雨

春光懷玉闕萬里

起初程

送人送人遊

江上呼風去天邊挂席飛

送人舟行

漆燈尋

黑洞之字上危峰

送人遊九疑

李宏臯

李宏臯善夷之子仕湖南為天策學士官至刑部侍郎

集二卷今存詩二首

銅柱辭

招靈鑄柱垂英烈手執干戈征百越誕今鑄柱庇黔黎
指畫風雷開五溪五溪之險不足恃我旅爭登若平地
五溪之衆不足平我師輕躡如春永溪人畏威思納貢
棄汙歸明求立誓誓山川兮告鬼神保子孫兮千萬春

題桃源

山翠參差水渺茫秦人昔在楚封疆當時避世乾坤窄

此地安家日月長草色幾經壇杏老巖花猶帶澗露

一作

桃香他年倘遂平生志來著霞衣侍玉皇

何仲舉

何仲舉營道人後唐天成中登進士第仕楚署天策府

學士全衡二州刺史詩一首

李臯試詩

仲舉年十三家貧輸縣稅不及限李臯為令荷項繫之獄或有言其能詩

臯試之立成釋而延禮馬於是遂銳意就學

似玉來投獄拋家去就枷可憐兩片木夾却一枝花

句

碧雲章句纔離手紫府神仙盡點頭

獻秦

樹迎高鳥

歸深野雲傍斜陽過遠山

秋日晚望
上見五代史補

徐仲雅

一作東野

徐仲雅其先秦中人徙居長沙事馬氏為觀察判官天冊府學士所業百餘卷行世今存詩六首

畊農夫謠

張緒逞風流王衍事輕薄出門逢畊夫顏色必不樂肥

膚如玉潔力拗絲不折半日無畔夫此輩總餓殺

贈齊已

我唐有僧號齊已未出家時宰相器爰見夢中逢五丁
毀形自學無生理骨瘦神清風一襟松老霜天鶴病深
一言悟得生死海芙蓉吐出琉璃心悶見有唐風雅缺
敲破冰天飛白雪清塞清江却有靈遺魂泣對荒郊月
格何古天工未生誰知主混沌鑿開雞子黃散作純風
如膽苦意何新織女星機挑白雲真宰夜來調暖律聲

聲吹出嫩青春詞何雅澗底孤松秋雨灑嫦娥月裏學
步虛桂風吹落玉山下語何奇血潑乾坤龍戰時祖龍
跨海日方出一鞭風雨萬山飛已公已公道如此浩浩
寥中如獨自一簷松風冷如冰長伴巢由伸脚睡

贈江處士

門在松陰裏山僧幾度過藥靈丸不大棊妙子無多薄
霧籠寒徑殘風戀綠蘿金烏兼玉兔年幾一作紀奈公何

東華觀偃松

半已化為石有靈通碧湘生逢堯雨露老直漢風霜月
滴蟾心水龍遺腦骨香始於毫末後曾見幾興亡

詠梭樹

葉似新蒲綠身如亂錦纏任君千度剝意氣自衝天
宮詞

宮人曉起怯春寒輕揭珠簾看牡丹一把柳絲收不得
和風搭在玉欄杆

句

屋面盡生人耳朶籬頭多是老翁鬚

閒居

平分造化雙

苞去拆破春風兩面開

合歡牡丹

雲路半開千里月洞門

斜掩一天春

馬希範夜宴迎四儀夫人

鑿開青帝春風國移下姮

娥夜月樓

馬殷明月圖野客叢談

珠璣影冷偏粘草蘭麝香濃

却損花

春園宴

山色曉堆螺黛雨草梢春夏麝香風

衰蘭寂寞含愁綠小杏妖嬈弄色紅

旁搜水脈湘心

滿遍揭泉根梵底通水滴殘青瘦石脂傾盡白

雲空

缺二字

深浦送回芳草日急灘牽斷綠楊風

藕

梢逆入銀塘裏蘋迹潛來玉井中敗菊籬疎臨野渡

落梅村冷隔江楓剪開淨澗分苗稼劃破漣漪下釣

筒

以上見湘湖故事

伍彬

伍彬邵陽人初仕楚後入宋詩一首

分水嶺

前賢功及物禹後杳難儔不改古今色平分南北流寒
衝山影岸清繞荻花洲盡是朝宗去潺潺早晚休

句

稚子出看沙徑沒漁翁來報竹橋流

夏日喜雨

蹤跡未辭

鴛鴦客夢魂先到鷓鴣村

辭解牧

楊徽之

楊徽之楚馬殷時人詩一首

留宿廖融山齋

清和春尚在歡醉日何長谷鳥隨柯轉庭花奪酒香初
晴巖翠滴向晚樹陰涼別有堪吟處相留宿草堂

句

新霜染楓葉皎月借蘆花

秋日

廢宅寒塘水荒墳宿草

煙

哭江為
見紀事

王元

王元字文元桂林人隱居不仕詩五首

登祝融峰

草疊到孤頂身齊高鳥翔勢疑撞翼軫翠欲滴瀟湘雲
濕幽崖滑風梳古木香晴空聊縱目杳杳極窮荒

懷翁宏

獨夜思君切無人知此情滄洲歸未得華髮別來生孤
館木初落高空月正明遠書多隔歲獨念沒前程

聽琴

拂塵開素匣有客獨傷時古調俗不樂正聲君自知寒
泉出澗澀老檜倚風悲縱有來聽者誰堪繼子期

哭李韶

韶也命何奇生前與世違貧棲古梵刹終著舊麻衣雅

句僧抄遍孤墳客弔稀故園今孰在應見夢中歸

題鄧真人遺址

三千功滿仙昇去留得山前舊隱基但見白雲長掩映
不知浮世幾興衰松梢風觸霓旌動棲葉霜霑鶴翅垂
近代無人尋異事野泉噴月瀉秋池

句

伴行惟瘦鶴尋步入深雲

贈廖融見紀事

廖融

廖融字元素隱居衡山詩七首

謝翁宏以詩百篇見示

高奇一百篇造化見工全積思遊滄海冥搜入洞天神珠迷罔象端玉匪雕鎬休歎不得力離騷千古傳

贈天台逸人

移檜托禪子攜家上赤城拂琴天籟寂寥枕海濤生雲白寒峰晚鳥歌春谷晴又聞求桂櫟載月十洲行

古捨

何人見植初老樹梵王居山鬼暗棲托樵夫難破除聲
高秋漢迴影倒月潭虛盡日無僧倚清風長有餘

題伍彬屋壁

圓塘綠水平魚躍紫尊生要路貧無力深村老退耕犧
隨原草遠蛙傍斬蘿離鳴撥櫂茶川去初逢穀雨晴

夢仙謠

琪木扶疎繫辟邪麻姑夜宴紫皇家銀河旌節搖波影
珠閣笙簫吸月華翠鳳引遊三島路赤龍齊駕五雲車

星稀猶倚虹橋立擬就張騫搭漢槎

退宮妓

神仙風格本難傳曾從前皇翠輦游紅躡躅繁金殿暖碧芙蓉笑水宮秋寶箏鉢剝陰塵覆錦帳香消畫燭幽一旦色衰歸故里月明猶夢按梁州

句

圭竈先知曉盆池別見天古寺尋僧飯寒巖衣鹿裘

雲穿擣藥屋雪壓釣魚舟

王正已

王正已楚逸人與任鵠凌蟾廖融王元友善詩一首

贈廖融

病起正當秋閣迴酒醒迎對夜濤寒爐中藥熟分僧飯
枕上琴間借客彈

句

洗孟秋澗日華動搗藥夜坐秋氣深

贈隱者見紀事

翁宏

翁宏字大舉桂州人詩三首

送廖融處士南遊

病臥瘴雲間
莓苔青竹關
孤吟牛渚月
老憶洞庭山
壯志潛消盡
淳風竟未還
今朝忽相遇
執手一開顏

春殘

又是春殘也
如何出翠幃
落花人獨立
微雨燕雙飛
寓目魂將斷
經年夢亦非
那堪向愁夕
蕭颯暮蟬輝

秋殘

又是秋殘也無聊意若何客程江外遠歸思夜深多覲
首飛黃葉湘渭走白波仍聞漢都護今歲合休戈

句

萬木橫秋裏孤舟半夜猿人送漏光殘井甃缺影背山

叔詠曉月風回山火斷潮落岸冰高

湘江吟

張觀

張觀楚馬殷時人詩一首

過衡山贈廖處士

未向漆園為傲吏定應明代作徵君傳家奕世無金玉
樂道經年有典墳帶雨小舟橫別澗隔花幽犬吠深雲
到頭終為蒼生起休戀耕煙楚水漬

孫光憲

孫光憲字孟文陵州人為荆南高從誨書記歷檢校祕
書兼御史大夫有集五十餘卷今存詩八首

竹枝詞二首

門前春水白蘋花岸上無人小艇斜商女經過江欲暮

散拋殘食飼神鴉

亂繩千結絆人深越羅萬丈表長尋楊柳在身垂意緒

藕花落盡見蓮心

楊柳枝詞四首

閭一作門風暖落花乾飛遍江城雪不寒獨有晚來臨

水驛閒人多凭赤欄干

有池有榭即濛濛浸潤翻成長養功恰似有人長點檢

著行排立向春風

根柢雖然倚濁河無妨終日近笙歌
粧粧金帶誰堪比還共黃鸝不較多

萬株枯槁怨亡隋似弔吳臺各自垂好是淮陰明月裏
酒樓橫笛不勝吹

採蓮

菡萏香連十頃陂小姑貪戲採蓮遲晚來弄水船頭濕
更脫紅裙裹鴨兒

八拍蠻

孔雀尾拖金線長
怕人飛去入丁香
越女沙頭爭拾翠
相呼歸去背斜陽

句

曉厨烹淡菜
春杼種橦花

和南
越詩

劉章

劉章字克明
江左人事湖南馬氏詩一首

詠蒲鞋

吳江浪浸白蒲春
越女初挑一樣新
纔自繡窗離玉指

便隨羅襪上香塵石榴裙下從容久玳瑁筵前整頓頻
今日高樓鴛瓦上不知拋擲是何人

路洵美

路洵美永州祁陽人唐相嚴之孫避地湘潭事馬氏署
連州從事詩一首

夜坐

簾捲竹軒清四鄰無語聲漏從吟裏轉月自坐來明草
木露華濕衣裳寒氣生難逢知鑒者空悅此時情

梁震

梁震卽州依政人登進士第梁開平初歸蜀道過江陵
高季興留之與司空薰王保義同為賓客震獨不受辟
署自號荆臺隱士集一卷今存詩一首

荆臺道院

桑田一變賦歸來爵祿焉能免我哉黃犢依然花竹外
清風萬古凜荆臺

御定全唐詩卷七百六十二